



Ina giada 188 puncts per Otto Derungs.



Vicecampiuns grischuns en la categoria A: Ils tiradurs da sport Alvra (davos da san.) Flavio Gruber, Urs Brazerol e Claudio Brazerol; (davant da san.) Flavio Gruber e Benno Gruber.



Danovamain sin il podest è vegnida la grupp da Bregaglia.



Plazi Giuseppe Cadruvi ha schizunt sajettà en la segunda runda 192 puncts.

FOTOS G. N. STIGIER



Ina classa per sasez, la grupp Tumejl: Dirk Frischknecht, Hansruedi Giger, Hermann Sgier, Carl Frischknecht ed Urs Nauli (da san.).

Noss tiradurs han tratg precis

Tir: Final grischun da gruppas

DA GION NUTEGN STIGIER / ANR

■ **Bunas prestaziuns dals tiradurs sursilvans e dal Grischun central tar la 32avla ediziun dal final chantunal da gruppas a Cuira. Ina classa per sasez è stada la grupp da Tumejl che ha gist declassà la concorrenza. Plain tensiun è stà il final da la categoria A.** Las excellentas relaziuns da sonda passada al stan da tir Rossboden a Cuira han pussibilità als radund 400 tiradurs da sajettar meglier che avant in onn tar il final grischun da gruppas. Ina giada dapli è l'occurranza stada in vair punct culminant da la stagiun da tir. Tar quel final chantunal da gruppas vegnan betg mo eruids ils campiuns grischuns, mabain er las gruppas che dastgan sa participar a l'emprima da trais rundas svizras. Il final nazional, quel ha lura lieu l'entschatta settember a Turitg.

Be trais puncts differenza

Tar in vair cumbat plain tensiun èsi vegnì en la categoria A, là nua ch'igl è vegnì sajettà cun l'arma da standard. Gi in pau dapli cletg ha la grupp da Haldenstein cun daventar campionesa grischuna e quai cun in avantatg da be dus puncts sin la grupp dals tiradurs da sport Alvra. Tranter quella e la grupp da Favugn è la differenza schizunt be in punct. Tratg ferm ha tar la grupp da Surmir cunzunt Urs Brazerol cun duas passas da 195 e 197

puncts. In bun final cun terminar quel sin il quart plaz han er gi ils tshintg tiradurs da Castrisch *Daniel Cabalzar, Georg Cabalzar, Martin Cabalzar, Curdin Candrian* ed *Otto Derungs*.

Tumejl sensaziunal

Pauc da far ha la concorrenza gi cunter la grupp da Tumejl en la categoria D arma da militar ed arma da militar 57/03. Ils tshintg tiradurs da la Tumleasta han sajettà duas fermas rundas, ina cun 712 puncts e l'autra cun 713 puncts. Cun in total da 1425 puncts ha la grupp tratg in dals megliers resultats svizzers. La pli ferma concorrenza han ils campiuns grischuns gi da lur agens amis cun cuntanscher els il segund plaz, dentant cun 56 puncts damain. Cumpletà il podest ha lura la grupp da la Bregaglia (campiun grischun 2014). Be dus puncts han mancà als tiradurs da *Degen Emil Blumenthal, Balzer Casanova, Geli Casanova, Robert Caminada* e *Silvio Riedi* da far il sigl sin il podest en quella categoria.

30 puncts avantatg per Castrisch

Gia en l'emprima da duas rundas ha la grupp da Castrisch fatg il fundament per il success en la categoria E armas da militar. Il quintet *Mattiu Cabalzar, Hermann Jemmi, Robert Studer, Robin Studer* e *David Soler* ha tratg 684 puncts ed en la segunda runda anc pli precis cun 702

puncts. A la fin han ils Sursilvans gi cun in total da 1386 puncts in avantatg da 30 puncts sin la grupp da Tavau. Trais giadas 142 puncts ha i da per Castrisch entras ils dus rutiniers Hermann Jemmi e Robert Studer e lura er dal giuven Martiu Cabalzar.

Rangaziun

Champ A, 300 meters, arma da sport
1. Haldenstein I, 1914, 2. Alvra, 1912, 3. Favugn I, 1911, 4. Castrisch, 1899, 5. Tavau, 1893, 6. Sedrun-Tujetsch, 1890, 7. Haldenstein II, 1889, 8. Degen, 1886, 9. Laax-Falera I, 1876, 10. Favugn II, 1874, 11. Ruschein, 1868, 12. Laax-Falera II, 1867.

Champ D, 300 meters, arma da militar/arma da militar 57/03
1. Tumejl I, 1425, 2. Tumejl II, 1369, 3. Bregaglia I, 1365, 4. Degen, 1363, 5. Scharans, 1361, 6. Schuders, 1358, 7. Tusaun, 1354, 8. Sent, 1353, 9. Cuira, 1353, 10. Arvigo-Mesocco-San Vittore, 1351, 11. Grisch 1339, 12. Ruschein 1335, 13. Maladers, 1335, 14. Schiers, 1333, 15. Bregaglia II, 1321, 16. Igis-Landquart, 1319, 17. Alvra, 1318.

Champ E 300 meters, arma da militar senza arma da militar 57/0357/03
1. Castrisch, 1386, 2. Tavau, 1356, 3. Monstein, 1349, 4. Samignun, 1347, 5. Tumleasta, 1343, 6. Versomi I, 1340, 7. Versomi II, 1339
(Quellas gruppas èn tuttas qualificadas per l'emprima da trais rundas nazionalas.)

Pistola 25 meters
1. Küblis, 1097, 2. Cuira citad 1, 1080, 3. Igis-Landquart, 1034, 4. Cuira UOV, 1031, 5. Poschiavo, 1026.

Pistola 50 meters
1. Küblis, 725, 2. Cuira citad 1, 721, 3. Razèn, 718, 4. Igis-Landquart 1, 712, 5. Cuira UOV 705.



Politica e militar: Michael Pfäffli, president cussegl grond, Florin Gruber, president Uniu da tir Cuira citad, Marcus Caduff, deputà, Lucas Caduff, divisiunari e Jöri Kaufmann, colonel (da san.).